



KOMUNIKADO PA PRENSA

Fecha
22 febrüari 2016

Kolaboradó di Maneho
Corinne Leysner

Email
corinne.leysner@gobiernu.cw

GOBIÈRNU TA KAMBIA DIFERENTE OUTOMAT DI LUS DI TRÁFIKO

Willemstad – Durante di e próksimo simannan, Obranen Públiko (OW) di Ministerio di Tráfiko, Transporte i Planifikashon Urbano ta laga kambia diferente outomat di lus di tráfiko na Kòrsou. Esaki ta nesesario pa motibu ku esnan eksistente tin nan edat i no por haña piesa mas pa nan. Ta trata di outomat di lus na tres diferente krusada.

Riba djaweps 25 di febrüari ta kuminsá kita e instalashon na e krusada Schottegatweg West - Bermudaweg, pa despues instalá esun nobo. Riba djaweps dia 3 di mart ta inisiá e trabounan na e krusada di Pater Eeuwensweg - Boerhavenstraat, na altura di Holiday Beach hotel. E siman siguiente, riba dia 10 di mart próksimo, ta hasi e trabounan na e outomat di lus di e krusada Pater Eeuwensweg - Rector Zwijsenstraat na altura di KAE.

E trabou di kita e outomatnan nobo i instalá esnan nobo, ta den man di e kontratista De Clerq-Groenenberg Service N.V (DCG). Durante di e siman di instalashon, e kontratista tin ku paga e lusnan riba kaya pa un periodo di dos dia. Esaki ta nifiká ku lusnan di tráfiko ta for di servisio durante di e periodo ei. E trabounan di instalashon mes ta tuma mas òf ménos un siman pa kada outomat.

OW, Departamentu di Tráfiko di Polis i e kontratista DCG ta pidi tur outomobilista pa tene debito kuenta ku e trabounan i pa paga tinu ora e lusnan di tráfiko ta for di servisio. Tambe ta spera kompreshon i ta gradisí di antemano pa e koperashon.